

“BUBU Y BIBI BURICO”

ANDREA TCHONG-ENGELS

STA. CRUZ -- Andrea Tchong-Engels a nace na Mierlo, Noord Brabant na aña 1943, el'a lanta na Maas y Waal. Tchong-Engels a gradua pa diferente disciplina den enseñanza manera entre otro den handelskennis, huis houdkunde, handenarbeid y SPD. Tambe Andrea Tchong-Engels a dedica mas o menos 20 aña den e ramo di educacion basico y avanza na entre otro MULO y MAVO.


Actualmente Andrea Tchong-Engels ta traha y biba na Aruba. Pa un tempo caba e tin un negoshi propio. E ta duna les di conficcion y ta duna bijles na muchanan cu tin'e dificil.

Aunke Andrea Tchong-Engels ta un persona hopi ocupa, el'a skirbi su prome boeki algun aña atras “Pepe Pelican” cu ta trata e bida di e pelicanan na Aruba. Janchi, e personahe principal den e boekinan di Andrea Tchong-

Engels ta topa Pepe, e pelican. Den e boeki Pepe Pelican, bo ta lesa con Janchi ta bay di aventura hunto cu Pepe y asina aki siña conoce e bida di e pelican mas di cerca. Na aña 2001 Andrea Tchong-Engels a participa como autor den e festival di boeki debutando cu su boeki Pepe Pelican.

E boeki nobo di Andrea Tchong-Engels yama “Bubu y Bibi Burico”, cual boeki ta dedica na nos buriconan. E boeki Bubu y Bibi Burico a wordo ilustra door di Lara Kuiperi, un artista hoben cu ta sali pa prome biaha como ilustradora di boeki. Ban hunto cu Janchi den e boeki di Bubu y Bibi Burico, conoce nos buriconan.

Diasabra awor dia 31 di Oktober sra. Andrea Tchong-Engels lo ta di bishita na Van Dorp Book & Office Dakota pa presenta su boeki nobo “Bubu y Bibi Burico”, for di 11.00 a.m–1.00 p.m.



Bubu y Bibi Burico

Andrea M. Tchong-Engels